



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Præfatio.

[urn:nbn:de:hbz:466:1-77355](#)

TRACTATUS SEXTUS.

DE LEGIBVS.

Ad quæstionem 90. D. Thomæ, usque ad 109.

PRÆFATIO.

OLVI (AMICE LECTOR) ut in nostræ Theologî, velut integro corpore, hanc de legibus partem desiderares, quam ego sibi in plurimis Theologis desideravi, quos prope ex leges dixerim, quod hanc de legibus tractationem prætermiserint; quibus utilius nihil ad humanae vitæ officia instituenda, aut necessarium magis esse potest; quæ, ut Tullius voluit, instar nervorum & sanguinis per membra effusi, Rem publicam servant; immo & quibus universa hæc rerum omnium series regitur & constat. Neque enim singularis solum hominibus, aut rebus publicis impositas esse leges existimandum est; cum ipsa rerum, elementorum, colorumque compages, quam universum & mundum dicimus, ita positis servatisque legibus constet, ut verissime dici possit, quod de rebus publicis Aristoteles scripsit, earum salutem in legibus constitutam esse. Cum Deus prima mundi fundamenta jaceret, & immensam hanc corporum molem, velut extensâ linea, ut loquitur Scriptura, metiretur, legimus positam legem aquis ne transirent fines suos: nec aliud mensura, numerus, pondusque rerum significant, quam eternam illam legem, quæ omnia in ordinem cogit, res ad suos fines dirigit, ac rebus modum imponit. Quid enim putas iratum turbatumque mare demulcere, ut quidam dixit, retardare, aut frangere, dum immensis aquarum voluminibus, quas procellæ, tempestatesque sonoræ excitant & impellunt, naufragium terre minatur? Hac impressâ littori scriptâque lege coercetur, eamque legem veritum, ut è Patribus quidam dixit, mare pronum in littore, curvatisque fluentibus, termini positorem adorat. Sed quid de cælorum motibus, varietate temporum, immutabili ordine recurrentium dicam? Utinam tam obtemperaret homo legi sibi insitæ, quam res inanimes & solius Dei imperij capaces, positis sibi legibus parent. Nec vero ita suo arbitrio hominem relictum esse censendum est, ut nullis eum natura doceat legibus, honesta, virtuti & rationi consentanea prosequi, & prava devitare. Habet homo innatam nec ignotam sibi legem, inquit diligen-
do Deo. Bernardus, quæ facienda & prosequenda demonstrat, & quæ his contraria prohibet. Hanc legem Tullius summâ eloquentiâ explicuit, & ut Laetantio referen-
tibus est, penè divinâ voce depinxit. Est quidem (inquit Tullius) vera lex, recta ratio, naturæ congrua, diffusa per omnes, constans, sempiterna, quæ vocet ad officium jubendo, vertando à fraude deterreat. Huic legi nec prorogari fas est; neque derogari aliquid licet; nec totâ abrogari potest. Nec vero per senatum, aut per populum solvi hac lege possumus; nec est quærendus explanator aut interpres alius. Non erit alia lex Romæ, alia Athenis, & alia nunc, alia posthac: Sed & omnes gentes, & omni tempore, una lex & sempiterna & immutabilis continebit: unusque erit communis quasi magister & imperator omnium Deus; ille legis hujus inventor, disceptator, & lator. Hæc sane egregia legis naturæ, impressæ mortali-
um omnium animis, explicatio & commendatio. Verum præter eam naturæ legem vel inditam homini rationis capaci, vel impressam creaturis, omnis sensus & ratio-
nis expertibus; alias inter homines à sapientibus promulgari leges necesse fuit, ad soci-

P R A E F A T I O.

catem hominum tuendam, ad instituendum regimen, ad suum cuique jus servandum,
 & improborum hominum petulantiam coercendam. Nam quod probos attinet, justo
 non est lex posita, & ut Aristoteles inquit, politus & liberalis homo, ita animo
 affectus est, ut sibi lex esse velit. Etenim nihil sapientis de his naturali lego statuitur,
Lib. 4.
Ethica
cap. 8.
 quae in variis casibus, negotiis, causisque ac idunt, de quibus sententia ferenda est: nec
 preterea omnium hominum arbitriis permittendum fuerat, ut de his rebus statuerent,
 & judicium ferrent, cum soleant variis affectibus duci, à quibus in eadem re, non ea-
 dem sapientis judicia proficerentur. Recte enim T. Livius dixit, hominem esse à quo
Lib. 2.
 impetres, ubi jus ubi injuria; esse gratiae locum, esse beneficio; & irasci &
 ignoscere posse, inter amicum & inimicum discrimen esse. Igitur constitutae
 leges erant, firmae, immutabiles, quibus in causa pari, eadem vel supplicia vel pre-
 mia decernerentur. Vnde legem dixit idem historiarum scriptor, rem surdam, & ine-
 xorabilem esse, salubriorem, melioremque inopi, quam potenti, nihil laxa-
 menti ac veniae habere, si modum excesseris. Sed quid de divinis legibus statuen-
 dum? An non præter eas leges quibus homines ad civilem duntaxat vitam ducendam
 instituuntur, qua in re portiores habent & duces Philosophos: aliae constituta sunt leges
 quibus docerentur ea quae ad divinum cultum pertinent, & ad eternam beatitudinem
 promoverentur? Sane non omnia legibus consarentur & regerentur, nisi Religio suas
 leges haberet, quibus & veri numinis cultum doceret, & illas sanctitatem tueretur.
 Quare duplēcē hominibus legem Deus olim promulgavit, siveque Religionis partem
 præcipuam fecit. Alterā veterem, quae penè oblivione deletam naturalem, in memoriam
 hominum, usumque revocaret; alteram gratiae, quae imperfectam veterem perficeret, &
 vacuam impleret: alteram, quam Judæi, ut servit more; alteram quam Christiani, in li-
 bertatem filiorum vindicati, amore regerentur. Egregie enim Augustinus dixit, facili
 discrimine utramque legem distingui, timore & amore. Enim vero quod perennitatis
 argumentum à Iudeis existimatum est legem in lapidibus scriptum, ut apud Romanos
 æris tabulis ad perpetuitatem leges incidebantur; verius inflexum legis veteris rigo-
 rem demonstrabat. Vix enim alia durior, rigidiorque lex esse potuit, quam quae tot cere-
 moniis eos quibus lata fuerat, baptismatibus, ceterisque, ut vocat Apostolus, legis ju-
 stitiis onerabat, ut importabile jugum dici potuerit; & quae tot victimarum sanguine
 sancta est, ut pene dixerim, quod de Draconis cuiusdam legibus Aristoteles dixit, scri-
 ptam sanguine videri potuisse. Sed ejusmodi lex esse debuerat imposita servis, qui nisi
 verberibus meliores non fuissent. Verum facilior legi veteri & rigoriique lex nova, filii
 non imposta, sed data successit; quae scripta in cordibus tota gratia & amore conseruat,
 amore regit, amore servatur, & cum ultima sit, omnium ab solitissima cui nihil desit,
 preter ceteras, quatuor dotes habet, que in humanis legibus ac veteri desiderabantur,
 quas summâ eloquentia Vates explicat, ut D. Thomas ad vertit. Immaculata est, quod
 nihil præsumt aut jubeat aut permittat. Convertēt animas, quod nedum externos ho-
1. 2. 9.
91. art.
 minum motus, sed internos etiam, intimosque animi sensus regat. Testimonium fide-
 le, quod nulli errori obnoxia sit. Sapientiam præstans parvulis, quod ad eternam
 beatitudinem hominem vocet & promoveat. Hęc legum omnium officia & dotes: un-
 de manifestum sit, rerum omnium, naturae, hominum, rerum publicarum, ac Religionis
 salutem, in legibus constitutam esse. Non putabam (AMICE LECTOR) me tam mul-
 ta de legibus prefationis loco dicturum, sed duntaxat volueram parumper in limine te-
 sistere, ne te magis impellere, quam ducere in hanc tractationem viderer. Sed nihil eo-
 rum pretermittere potui, ut probarem quod ex Philosopho à me propositum initio fue-
 rat, rerum omnium salutem, in legibus statim esse, legibus totius universi ordines con-
 stare. Sed hoc saltem commodum reportabo, ut totius tractationis synopsim & parti-
 tionem delineaverim. Disputationibus enim quas institui, tractationem omnem absolvam;
 & naturam, munera, dotes legum, hoc ordine, in communi, aeterna, naturali,
 humanae, divinae, veteris, & novae explicabo.

Sff ij